

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**GRAD TUZLA**



**Služba za kulturu, sport,  
mlade i socijalnu zaštitu**

**Broj: 17/11-A-6032-2026**  
**Tuzla, 24.04.2026. godine**

Na osnovu člana 4. Odluke kriterijima i postupku za dodjelu Nagrade Grada Tuzle za ostvaren natprosječan uspjeh učenika, studenata i sportista sa područja grada Tuzle („Službeni glasnik Grada Tuzla“, broj: 4/25), Služba za kulturu, sport, mlade i socijalnu zaštitu, dana 24.04.2026. godine raspisuje:

**JAVNI POZIV za dodjelu Nagrade Grada Tuzle za ostvaren natprosječan  
uspjeh učenika, studenata i sportista sa područja grada Tuzle**

**I**

Predmet Javnog poziva je dodjela Nagrade Grada Tuzle (u daljem tekstu Nagrada) učenicima, studentima i sportistima sa područja grada Tuzle, koji su ostvarili natprosječan uspjeh u prethodnoj školskoj/kalendarskoj godini.

**II**

Pravo na dodjelu Nagrade imaju aplikanti koji ispunjavaju sljedeće uslove:

a) Opći kriteriji:

- da su državljani Bosne i Hercegovine
- da imaju stalno mjesto prebivališta na području grada Tuzle

b) Posebni kriteriji:

<b>Podnosioci prijava na javni poziv</b>	<b>Kriteriji za dodjelu Nagrade Grada Tuzla za ostvaren natprosječan uspjeh</b>	<b>Iznos finansijskih sredstava</b>
učenici	- da je prethodne školske godine bio redovan učenik osnovne/srednje škole i da je proglašen učenikom generacije	do 800,00 KM srazmjerno broju aplikanata

studenti	- da je u prethodnoj školskoj godini bio redovan student I ciklusa (dodiplomskog) studija i da je položio sve ispite s najnižom prosječnom ocjenom 9,5 kao i da je izmirio sve obaveze predviđene planom i programom te studijske godine.	do 1.200,00 KM srazmjerno broju aplikanata
učenici i studenti	- da su prethodne školske godine bili redovni učenici odnosno studenti i da su osvojili prvo mjesto na međunarodnim takmičenjima u oblasti nauke, kulture i drugih društvenih oblasti u pojedinačnoj konkurenciji.	do 500,00 KM srazmjerno broju aplikanata
sportisti	- sportisti koji su Odlukom Sportskog saveza Grada Tuzla proglašeni za najuspješnije sportiste u prethodnoj kalendarskoj godini	do 1.000,00 KM

Učenici, studenti i sportisti mogu ostvariti Nagradu samo po jednom od navedenih posebnih kriterija.

### III

Prijave na Javni poziv podnose se na propisanom prijavnom obrascu koji se objavljuje u prilogu ovog Javnog poziva na službenoj internet stranici Grada Tuzle ([grad.tuzla.ba](http://grad.tuzla.ba)). Prijavni obrazac može se preuzeti i u Centru za pružanje usluga građanima (šalter sala).

### IV

Uz popunjenu prijavu na Javni poziv za dodjelu Nagrade aplikanti su obavezni dostaviti sljedeću dokumentaciju:

1. fotokopiju uvjerenja o državljanstvu,
2. fotokopiju tekućeg računa.

Pored navedene dokumentacije aplikanti su dužni dostaviti jedan od sljedećih dokumenata kojima se dokazuje natprosječan uspjeh u prethodnoj školskoj/kalendarskoj godini učenika, studenata i sportista:

1. Učenici – odluku nadležnog organa osnovne/srednje škole o proglašenju učenika generacije za prethodnu školsku godinu,
2. Studenti – dokaz visokoškolske ustanove da je aplikant na javni poziv u prethodnoj školskoj godini bio redovan student I ciklusa (dodiplomskog) studija i da je položio sve ispite sa najnižom prosječnom ocjenom 9,5 kao i da je izmirio sve obaveze predviđene planom i programom te studijske godine,
3. Učenici i studenti – potvrdu (uvjerenje) nadležne obrazovne ustanove da je učenik/student bio redovan učenik/student prethodne školske godine kao i dokaz o osvojenom prvom mjestu na zvaničnom međunarodnom takmičenju u oblasti nauke, kulture i drugih društvenih oblasti u pojedinačnoj konkurenciji za tu školsku godinu,
4. Sportisti – odluku Sportskog saveza Grada Tuzle o proglašenju najuspješnijeg sportiste u prethodnoj kalendarskoj godini.

Provjeru evidencije prebivališta za aplikante vršit će nadležna Služba po službenoj dužnosti.

## V

Prijave na Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima (šalter sala), na adresu:

**GRAD TUZLA**  
**Služba za kulturu, sport, mlade i socijalnu zaštitu sa**  
**obaveznom naznakom:**  
**“JAVNI POZIV**  
**za dodjelu Nagrade Grada Tuzle za ostvaren natprosječan uspjeh učenika, studenata i**  
**sportista sa područja grada Tuzle NE OTVARATI”**

Javni poziv ostaje otvoren **21** dan od dana objavljivanja, a zaključno sa 15.05.2026. godine. Prijave koje budu pristigle poslije navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. Prijave poslane na bilo koji drugi način (napr. faksom ili e – mailom) neće biti uzete u razmatranje. Vanjska strana koverta mora sadržavati ime, prezime i adresu aplikanta. Rezultati Javnog poziva će biti objavljeni na službenoj internet stranici Grada Tuzle ([grad.tuzla.ba](http://grad.tuzla.ba)).

Sve dodatne informacije o načinu i postupku učešća na Javnom pozivu mogu se dobiti u Službi za kulturu, sport, mlade i socijalnu zaštitu Grada Tuzle putem telefona: 035 307-327 ili slanjem pitanja na e-mail adrese: [mirza.meskovic@tuzla.ba](mailto:mirza.meskovic@tuzla.ba) ili [maja.ivic@tuzla.ba](mailto:maja.ivic@tuzla.ba)

**Napomena:** Riječi i pojmovi koji imaju rodno značenje, bez obzira jesu li u ovom dokumentu korišteni u muškom ili ženskom rodu, odnose se na jednak način na muški i ženski rod.

**Služba za kulturu, sport, mlade i**  
**socijalnu zaštitu**